


Setanburukalo san 2009
San 36nan - Boko 452nan
Songon = dōrōme 35



a bē bota kalo o kalo BP : 24 - Téléfoni : 20.21.21.04 Kibaru bugufiyé Bozola Bamako

Mali tēna ye
dīne ntolatanba kēnē
kan san 2010

ns 8

Yeremahoronya sanyelémasesli 49 nan kera taasibila kōnō ani taabolo kuraw bolodali

Mali ka yeremahoronya sanyelémasesli 49 nan hukumu kōnō, Jamanakuntigi kumana arajo la ani jabaranin, ka sanbēe-sanbēefoli ke jamanadenw ye ani ka kunnafoni di u ma jamana taabolo kan. A da sera nisondiyako dōw ma, ka geleyawtugu o la ani yéléma minnu ka kan ka ke walasa fura be soro o geleya ninnu na.


I - Nisondiyakow : Foli kun folo kera yeremahoronya kēle ce farinw ta ye minnu y'u joli bon kabini lawale ka tubabu kunben ani minnu ye politikelé ke, ka jonyajuru tige, i n'a fo Modibo Keyita an'a jenogonw. A da sera nisondiyako wère min ma o kofe, o kera ben ni lafiya sabatili ye Mali köröyanfan fe. O ben ni lafiya sorola sigikafé kōnōna na ani kotoñogontala ani sorodasiw ka wulikajo. Maramafénw bilali, ka kēle falen porozew ni yiriwalibaaraw la Mali n'a demebagaw jera ka minnu sigi sen kan köröfe marabolow kōnō, jamanakuntigi da sera nin bē ma.

Ben ni lafiya ninini hukumu kōnō halibi, Mogoja an'i Du Taabolo Sariya kura jōngirila, k'a nini depitew fe u'k'u jilaja san 20 ni ko kera fen min jenini na, o kana ke ko lankolon ye jamana kōnō; a laben tigiti ni jamanadenw hakilila ye Afiriki kōnō, jekulu minnu ka baara nesinnen be fanga bolicogo kolosili ma, olu fana ye kunnafoni juman di Mali kan demokarasi ko la, Ka Mali jansa, k'a jira ko ben ni kotoñogontala no jenêne be Mali kōnō fanga bolicogo siratige la.

Ohukumu kōnō, jamanakuntigiy'a ka nisondiya jira mérissigwote temenin in kēcogo la ani depitesigiwote minnu kera Ansongo ni Buguni bawobaaraw kera k'u dafa.

Mali ka yeremahoronya sanyelémasesli 50 nan min bēna ke san 2010, kōrō min b'o la ani baara min ka kan ka ke o la, jamanakuntigi da sera o fana ma. San 50 yeremahoronya in ka kan ka ke miiri ni taasibila kēnē ye ani walenumandon, k'a don k'a fo fasojobaara caman kera nka a toba be yen halibi. O be césiri kofe ani wulikajo caman, bādaa bādaa. O koson, a ye wele bila jamanaden bēs ma minnu b'a kōkan an'a kōnō, u ka je k'u fanga fara jōgon kan ka sanyelémasesli 50 nan nata in yankan bonya, k'a sinsin.

II - Geleyaw : Sanjicayaba min kera



Jamanakuntigi Amadou Tumani Ture

jamana kōnō ani sigiñogonjamanaw na, n'a kera sababu ka mogow ni tige, u ka sow an'u bolofénw ye, o ma dogo mogo la. Jamadenw ani fanga ka dème ani dugawu, olu tēna kotige kasaaratow la. Geleyaba minnu be Mali politikiko la, sango woteko, jamanakuntigi da sera olu fana ma.

O geleya dow ye jamanaden fanba be k'a sen bo politikiko la dōonin-dōonin ka taa a fe. A dōw fana ye yuruguyurugu, sonyali ni namara fanga bonyali ye kalataw senfe. O baara jugu ninnu de b'a to mogow be sigi fanga la jamana kōnō minnu n'a man kan. Ni jamanadenw dun ka

dannayamogow ma sigi, a ka gelen u ka se k'u fari foni politiki baaraw la. Mali ye fērē caman sigi sen kan, ka dabali caman tige walasa wotew ka ke jamanaden bē kunko ye, u ka ke jēlenya la, farifoni kōnō ani danbe nka o si ma mako ne, bawo boli ka wote o ye geleya dan bēs lajelen ye bi kasoro cakeda ni jekulu caman sigira sen kan walasa wote baaraw ka ke jamanadenw sago ye : Cakeda sigira sen kan ko SENI, wotew baaraw kolosili n'a labenni baaraw kalifara o la an'a bolofaraw jamana fan tan ni naani kōnō. A bē baara ke a sago la kasoro goferenaman ka gerente t'a kan. Jekulu sigira sen kan min ka baara kera ka fasoka kunnafondilanw bila jyoyorjiniina bēs sago la wotew senfe. Jamana marali Minisiriso, wotew labenni nēmogoya b'o bolo. Woteko nēmogosoba, ofana y'a dama cakeda ye, min ka baaraw nesinna wotesebenw, ani wotekeminew labenni ma. Jamana sariyasunba lafasalibulonba bē yen, ale ka baara ye wotew jaabiw boliye, a kelen kōk'u


A tō bē ne 2nan na

Balikukan dama ka kan denmisén ni mogokoroba bēs la

Mali ye balikukan togoladon jenajew ke taratadon setanburukalo tile 8 san 2009. O ye don kērenkerennen ye dīne fan tan ni naani na. A lajeba kera Bamako lajekeso kōnō; a nēmogoya tun be jamanakuntigi furumuso Madamu Ture Lōbō Tarawele bolo. Mogo caman tun b'o kēnē kan ka fara minisiriw kan.

Dīne seleke naani mogow ye jōgon soro laje la san 1965 Teheran n'o ye Iranjamana faaba ye, balikukanlano kan. Dīne tōnba bolofara min nesinnen be kalanko ma, «UNESCO» a laje labenna o fe. Ben kera a kan o senfe, san o san setanburukalo tile 8 ka kērenkeren balikukan togoladon la dīne kōnō.

Teheran laje fe, jamana saba sugandira, baara min bolodara ka nesin balikukanlano ma, o sifileli ka k'o jamanaw na. Mali b'olu la.




Laje in kuncera ni ladiyalifendi ye

Kalan kun folo, balikukan ani fasakanw kalanni minisiri Saliku Sanogo y'a jira ko dōnniya caman be soro balikukan kōnō; ani ko duguba fara wulakōnōdugu kan, mogow nesinnen be balikukan

ma.

San 2008 - 2009 balikukan kanpani na, kalanso 2.059 dayelēla, ka mogo 61.770 kalan. Muso tun ye 30.000 y'olu la. Ani ka A tō bē ne 2nan na

Sanji karabali, pankurun kura fila soro



A be pan ka yelen fo sanfe ni kilometere 11 ye

Mali ye pankurun kura fila soro sanjikaraba kama. Baarakeminenko ni bolifenkow minisiri Hamed Jane Semega, Jamana konona ani marabolow minisiri Zeneral. Kafuguna Kone, Sene minisiri Agatamu Agi Alasani ka fara Kunnafoni n'a dicogo kura minisiri kan n'o ye Madamu Jara Mariyamu Filance Jalo ye, olu taara pankuru ninnu kunben Bamako Senu pankurunjiginkene na taradon setanburukalo tile 1 san 2009.

Pankurun suguya minnu don, u be pan ka yelen fo sanfe ni kilometere 11 noggona ye, n'o ye metere 11.000 ye. A be kilometere 460 boli lere kelen kono; ani ka lere 6 soro panni na kasoro u ma jigin duguma. Sanjikaraba siratige la, u pannen ka baara nafa be se kilometere 2.500 koorilamini ma.

U musaka be ben sefawari miliyari 7 ani miliyon 400 ma. Goferenaman bena a sara san 3 kuntaala kono a ka baarakenafolow la. Mali kono sanji karabali sigira sen kan san 2005; ka sanjikaraba damine san 2006, Masina, Nonon, San, Bila, Tominan, Segu, Bananba ani Jene serkiliw kono. San 2007 de la, a jesinna Mali fan bee ma.

Bayi Kulubali
Dokala Yusufu Jara

Kalanko nemogob bee hami ka ke balikukan layiriwali ye Mali kono

Pamoja ani «Coalition EPT», olu ye jekuluw ye kunfinya kelleli kama Mali kono. Bolodijognoma kono, u ye jekulu sigi, min be wele Yeelen Bulon. O ka baaraw jesinnen be balikukanlano ma. Alamisadon setanburukalo tile 10, Yeelen Bulon ye kunnafonidilaje ke ILAB la. Demedonjekulu minnu jesinnen be balikukanlano ma Mali kono, olu ka cidenw tun b'a kene kan. A labenna demebaa damado lahoroma kono. N'o ye «ICCO», Norwezi egilizi (AEM), Alimajni «dvv international» ani hadamadenya sabatilijekulu min jesinnen be kunfinya banni ma. Yeelen Bulon nemogojekulu mogo naani tun ye laje in kumatigiw ye: Ibarahimu Agi Adibalitanati, Zumana Kone, Abudulayi Mako Dawu ani Modibo Jakite.

Yeelen Bulon jekulu sigira sen kan Bamako san 2009 zanuyekalo tile 21. K'a sendon kunfinya kelleli ani Mali yiriwali la balikukan sira fe; ka faso politiki senkoromadon balikukanlano la; ka hakililafalenfalen kenew sigi balikukan sabatili la; ka do fara Yeelen Bulon jekulu n'a ka tonw fanga kan; kunnafoni minnu be di balikukanlano kan, k'olu fesefese. Ninnu ye Yeelen Bulon ka lajini kerenkernennew ye.

Yeelen Bulon sigira sen kan a ma meen. Nk'an be don min na, a jirala ko demedonjekulu ani ton 68 b'a jekulu la. A bolofara do be Mali marayoro 8 bee la. Dije tonba bolofara min jesinnen be kalanko

ma n'o ye «UNESCO» ye, o y'a jira ko dije bee kalanni yanni san 2015 ce, k'o feerebaw do ye balikukan ye. Nka k'an be waati min na, ko balikukan de bilalen be bolokofe kosere jamana caman na.

A jirala ko Maliden kemesarada la, 70 ye kalanbaliw ye. A dun fora ko dije bee ka kalan yanni san 2015 ce. Yeelen Bulon ka jate la, kalan forobayali te se ka sabati o cogo la yanni san 2015 ce, fo kalanko musakaw la kemesarada la 6 ka labila balikukan ye.

Balikukanlansow, duguyiriwalikalansow ani musow ka

fesefese sariya hukumu kono. Nin bee kofe, n'a fora ko jamanadenw te ka woteko don ba la, a ko ka kan ka laje ji nemajolen na, netaa kana ke kotaa ye. O de y'a to ni jamanakuntigi ye baara dow boloda, o dow file nin ye.

III - Yelemasen kuraw

Jamanakuntigi y'a jira ko fura min be nin na, o ye ka woteko labenni n'a nenabolicakeda koredow senbobaara la, k'u datugu, ka cakedaba kura sigi sen kan min ben'a jo ni woteko bee lajelen ye, k'a sariyaw dantige an'a taabolo kuraw. Wotekelaw togo tun be seben koro min na, o be bila kerefe ka "Araweki" (RAVEC) ka seben kuraw ta. Peresidansigiwote fara depitesigiwote kan ani merisigiwote, cakedaba kura in, n'a be wele Wotekow Cakedaba, ale de bera nin bee dannatige.

Jamana kiiritigeko nasiraw la, san naani baara bolodara min daminena kabini san 2008, a be kunce san 2012. Yelema bera don kiiritige dakun bee lajelen na. Kiiritige yere kecogo bera yelema, a cakedaw bera caya, ka do fara a baarakelaw kan. Kiiritigeda minnu ka baara nafa ka

ne fofo to

dogo wa u ka dantemewalew ka ca, olu bera, datugu. Sariya batoli ye wajibi ye nka fo baara ka ke a nema. Yelema ninnu ben'a to kiirtigela be baara ke tipe kan, a te se k'a sago ke bilen, jamanadenw de sago be ke. Jamanadenw fana te se k'u sago soro fo u ka sariya don. U te se ka sariya don fo sariyasow ka gere u la. O koro ye fo sariya ka ke u ka cakeminan ye u be baara ke ni min ye u ka dijelatige ko bee lajelen na. Minisirilaje dinena ni jamana sariya yelemasen kura ninnu ye san 2009 zuluyekalo tile 29 k'a lateme depitebulonba ma o k'a fesefese ka ben'a kan. Jamanakuntigi ka yelemasen kura ninnu dabokun ye ka Mali ka sariyajamanaya sinsin k'a sementiya.

Mali te se ka ke sariyajamana ye fo baara ka laben cogoya la min b'a to kiiritigelaw yere dama be noggon ka baara k'losi ka dan sigi damatemewalew la. Mali te se ka ke sariyajamana ye fo jamanadenw k'a faamuya ko kiiriso ye u lakanayoro n'u kisiyoro ye, u nangiliyoro te, u lajabayoro te.

Mahamadu Konta

ma. A ko mogo caman be balikukanlano kuma fo; nk'o naniya t'a layiriwali ye jamana kono. Kuma te ka da a la, ko balikukan be se ka kunfinya ban, ka soro yiriwa. Misali la Ameriki gun kan, Berezili ni Wenezuwela jamanaden kalannen ye 70 ye kemesarada la, k'a sababu ke balikukan matarafali ye. Kasoro Mali kono, kalanbali ye 70 ye kemesarada la. Modibo Jakite ka fo la, kabini san 1965, Mali ni nin jamana kofolen ninnu bee y'u suuru balikukan kan noggon fe.

Dokala Yusufu Jara

Tungarankew den jonjow dönni Faransi

Faransi goferenaman be ka feere kura tige walasa ka dansigi dunanw sigili la u ka jamana kono.

Faransi Minisirinemogob Faransuwa Fiyon y'a sementiya ntendenden setanburukalo tile 14, ko sariya mintara min b'a to jolisegesegé be ke walasa ka bangebaaw den jonjow don dunan kunda, k'o tene waleya sisan. Kabini bi te, Faransi ka caman yere sonnen te sariya in ka waleya.

Minisirinemogob kelenka kunnafoni in di, ton minnu tun be wulikajo la sariya in ka bin, a kera wasa y'olu b o i o . Bangebaaw den jonjow dönni jolisegesegé min bolodara, a sifileli tun ka kan ka damine san 2009 in desanburukalo tile 31 na. Mansa minnu b'a fe u den ka taa bo u ye Faransi walima ka sigi u fe, a tun

jirala k'olu ka jolisegesegé be ke, ko goferenamen be don u jigi koro ni musakaw tali ye.. Minisirinemogob ka fo la, o donjigikorowaleya bera ke cogo min na, n'o ye dabali tigeta ye geleya kana don dunandu kono k'a sababu ke jolisegesegé ye, k'o ma nenabo fo. Ni tila ma k'o la, sariya talen in tene se ka waleya.

Bangebaaw den jonjow dönni jolisegesegé bera teme sira minnu fe ani geleya minnu be se ka bo a la olu topotcogo, nin bee de bera dajira depitew la kokura, olu k'u fela fo a kan. Faransuwa Fiyon ye nin kunnafoni ninnu di a ka taama do senfe Irisijamana na.

Anb'awladonniya, kodunanw den jonjow dönni jolisegesegé sariya tara Faransi kabini san 2007. Annesinnen be tungarankew ma, minnu b'a fe u denw ka taa sigi u fe Faransidugukolo

kan. Deritew dinena ni sariya in ye. Nk'o faranfasiyalen don sariya in kono, k'o jolisegesegé be ke ni mansa yere dijena n'a keli ye. Segesegeliw jaabi be don kiiritigelaw bolo olu b'a sementiya. Ka da sariya in yere konkok kan, jateminenawy a jira k'a waleyalu te ko noggoye.

Taratadon setanburukalo tile 15, politikiton UMP depitew ni Faransi jamanakuntigi Nikola Sarakozitun be laje la jamanakuntigiso la. Depite caman y'a jira o kene kan, ko nafa fosi te bangebaaw den jonjow dönni jolisegesegé in na. Jamana kuntigi fana y'o kuma kelén fo. Nikola Sarakozit ko sisan, a be jini Minisirinemogob Faransuwa Fiyon fe, a k'a hakili jagabo sariya in kan. Nka, a yere ma a hakilila fo, ni sariya in be bin, walima n'a te bin; walima n'a be lasegin depitew ma, a m'o si fo.

ne folo to

duguyiriwalikalanso 1.302 dayelé, ka denmisennin 31.747 kalan. Musomannin tun ye 15.552 y'olu la. Baaradegekalanw kera muso 281 fana kun, olu ka kalan kerenkerennew na. Minisiri ka fo la, nin bëe b'a jira ko balikukalan be ba la mogow bolo. A joyoro ka bon jamana yiriwali la. Sabula faantanya kéléli, hadamadenya sabatili, soro yiriwai, nin si te sabati kalan ko.

Mama Pileya be baara ke «UNESCO» biro la Bamako; ale y'a jira ko UNESCO ye santanbaara min boloda kunfinya kéléli la dijé kono, o daminenan san 2003 la. A k'o san tan be nini ka dafa, künfin

ka ca halibi. Denmisennin minnu si hake be san 15 ni san ce, o mögo duuru o duuru, kelen ye kalanbali ye. O te seben dòn. Kalanko jatemireseben min be UNESCO bolo, o y'a jira ko mogokoroba miliyon 776 be dijé kono, minnu ma kalan. Ani ko denmisennin miliyon 75 bilala ka bo lakoli la. U si hake temena lakoliladon ye kokura, kalan donniya fosi fana t'u la bilen. Mama Pileya ka fo la, feere minnu sigira sen kan walasa mogo bëe ka kalan, o folo ye balikukalan ye. A ko mogow dun sëbe donnen t'o fe. Kasoro donniya sorsira do don, denmisennin ni mogokoroba minnu fana ma lakoliladon soro olu ka

hakew fana do don.

O n'a ta bëe, Mama Pileya y'a jira, ko Mali ye do ke balikuakalanko la, ka laban ka nefoli ke balikukalan kuntilennaw kan.

A ko balikukalan ka kan ka nesin ko saba ma : kalan kun folo nénama soroli, denmisenni mögokoroba bëe kalanni ani jamana ka politiki layiriwali ka nesin fasokanw ma gefeko ni kunnafoniko la.

Madamu Ture Lobo Tarawele kelen ko ka foli ni tanuni lase jamana ma u seli la kéné in kan, a y'a jira ko balikukalan dama ka kan denmisenni mögokoroba bëe lajelen na. A b'a to u ka se ka

seben dòn ani ka baaradegekalanw ke, walasa kunfinya, tungafetaa, baarakébaliya ani faantanya ka nogoya jamana kono.

Laje in kuncéra ni ladiyalifendi ye. Sara folo tun ye lakodonseben (dipulomu) ani Ciwara kelen ye. Kalanko demedonjekulu min be wele nansarakan na «Fondation Stronme», o gerezigera olu la. Kunnafoniko nasira la, dipulomu kelen ani sefawari 100.000, Kayi arajoso gerezige ye fara ci o la. Ladiyalifen dira Sinkama ma; ale ye dugu ye, min be Banjagara mara la. Balikukalanden jolen caman fana ye dipulomu soro. Bayi Kulubali / Dokala Yusufu Jara

Balikukalan be ka no bo Mali kono

A san fila ye nin ye balikukalan donni ba la, dögökun kelen min be kerénkerén o hukumu kono, o be ke marayorow la. A te ke Bamako dörön na tuguni. Ninan ta kera Bajanjara, Moti mara la. Salon ta kera Kambila, Kulukoro mara la Kati serekili kono.

Ninan, masalakun tun ye, ko «balikukalan ye temesira wulibali ye yiriwali kuntaala jan soroli la».

Nin bëe la balikukalandenw joyoro ye jumen ye yiriwali siratige la?

Afriki tilebinyanfanjamanaw na, Mali te kogojidalajamana ye. A jamanaden fanba ye wulakonomogow ye. Olu ka soro sinsinnen be sene, baganmara ani mënni kan. A sabatili n'a sabatibaliya sirilen be sanjiko la. O de koson Mali te jate jamana yiriwalenf fe. A dun, donnen don ko kalan be soro yiriwa. O siratige la, jamana nemogow b'a la ka yelema numan don Mali kalan kono la. Santanbaara min bolodara ka nesin kalan sabatili ma n'o ye Porodeki ye, oy'a misaliw do ye. Porodoki ka lanini fanba ye ka kunfinya nogoya Mali kono ni kalan suguya fila ye : lakoli ani balikukalan.

Mögokorobaw ni denmisennin minnu ma don lakoli la, minnu ka

kalan ma taa yorjanna, anilujuratow, balikukalan be ke sababu ye k'olu bo kunfinya la. Faantanya kéléli ani soro yiriwali cakeda min sigira sen kan san 2002 la, o y'a jira ko walasa faantanya ka kélé, fowulakonomogow ka kalan, ani k'u dege u ka baaraw kecogo numan na. Mara cemaboli hukumu kono, joyoroba dira balikukalan ma sigidalamogow kalanniko la, i n'a fo Nuhun Kone y'a jira cogo min na; ale be baara ke Duwanza Akademi na; walasa u sen ka don yiriwalibaaraw la. Baara min be boloda san duuru o san duuru ka nesin komini yiriwali ma n'o ye Pedeseki ye, balikukalanden jolenw joyoro ka bon o bolodali n'a waleyali la. U be se k'u jeniyoró fin politikiko, kalanko, kénéyako, sigida n'a lamini lakanani n'a lasaniyali, ani wulakonomobaaraw sabatili ka fara soro lakanacogo numan kan.

Nuhun Kone ka fo la, mögow be jamana in kono, balikukalan sababu la, olu kera nin baara suguya ninnu kebaa janaw ye ka nafa soro u la, fo ka mögofaman weré bo unuma. In'a fo balikukalankaramogoya, balolamaramagasaw sannifeere nénaboli, sumanw ni nakolafenw

bayelemanni, jurumisenninko, dumunifénw dilali n'u feereli, safunedila, kabakurunsraw dali forow kono, farafinfuraw dilali k'u tacogow seben, anika sigidalamogow lafaamuya u k'u denw don lakoli la. Sabula donniya sorolibalikukalan sira fe, o ye lakoliladon sorobaliya ye.

Kumatigi min ye Nuhun Kone ye, a y'a jira ko balikukalan ye no bo Mali kono. O n'a ta bëe, geléyaw ka ca. Balikukalansow man ca, minenkodese be fara okan. Kalanden jolen minnu be yen, olu fari fagalen don, sabula utéjatémogokalannenf fe. U te bila joyoro nénamaw fana na yiriwali siratige la.

Kuma laban na, Nuhun Kone y'a jira, ko ni Mali sago don ka balikukalan ke yiriwali kuntaala jan sorolisababuye, a ka kanka fura nini geléya folen ninnu na; n'o te balikukalan na meen senkellennataama na. Mögofanaten a don ba la.

Tarata setanburukalo tile 1, jama ye nogon soro Banjagara farikolojenajekene kan, dögökun kelen min be kerénkerén Mali kono san osan balikukalan donninabala, o baaraw damineni na. Banjagara méri Huseyini Sayi ka bisimilalikorofw kónona na, a y'a jira k'u nisondiyara u ka dugu sugandili la ka ninan dögökun kerénkerénen baaraw damine yen. Méri ka fo la, ni jamanaden lakoliladonbali bëe sera ka kalan kalanje ni sebeni anijatebo la u ka kanw na, a ka ca a la kufebaara be nogoya, yiriwali kuntaala jan ka sabati.

Duwanza Akademi kintigi y'a sementiya, kobalikukalan nafa koson donniya soroli la, olu ye duguyiriwalikalanso 190 dayelé. Denmisennin 4.313 be ka kalan u fe. Musomannin ye 2.223 y'olu la. Balikukalansoye 113 ye. Okalanden ye mögo 3.362 ye. Muso ye 1.935 y'olu la. Akademi ka fo la, Duwanza, Banjagara, Bankasi ani Koro serekiliw kono, balikukalanden jolenw kera mögo 972 ye san 2008 kónona na; 516 ye muso y'olu la. Fasokan minnu be kalan olu ka Akademi fe,

olu ye Dogoso (kadokan), fulakan, bamanankan ani koroborakan ye. A kodemedonjekulu 10 nogonna be k'olu deme o balikukalano la.

Kerénkerénenya la, balikukalan 48 be Banjagara serekili kono. Musow dörön be kalan kalan 18 na olu la; a tow ye cew ni musow faralen ye nogon kan.

Moti mara gofereneri Abudulayi Mamadu Jara ka köröfow la, a ye jama fo k'u walenumandon u seli la kéné in kan Banjagara. A y'a jira, ko kalan kun folo, balikukalan ani fasokanw kalanni minisiri ka baara do ye ka gofereneri, kalannemogow ani sigidaw nemogow ci, u ka mögof kunnafoni ani k'u lafaamuya, u k'u sen don balikukalan sabatilibaaraw la u ka yorow la. Gofereneri ka fo la, sira min be balikukalan ani yiriwali kuntaala jan soroli ce, o dogolen te mogosila. Sigidaw la jama fanba ye mögo kalanbaliw ye. Olu de fana ye senekelew, baganmaralaw, monnikelaw ani seko ni döñko tigilamogow ye. N'olu ma kalan, u ka soro te sabati, donniyaw te bo dibi la. Osiratige la, Abudulayi Mamadu Jara y'a nini ka marakonomogow fe, u k'u cesiri balikukalan yiriwali fe; sanni a ka yamaruya di dögökun kerénkerénen min nesinnen be balikukalan donnima ba la, o baaraw ka damine.

O kofe gofereneri ni jama taara Sankama, Dandoly komini na; o ni Banjagara ce ye kilometre 5 ye koronyanfan fe. U taara u ne da balikukalan do kan. Muso 30 be ka kalan yen demedonjekulu fe, goferenaman ka balikukalan hukumu kono. U labanna ka dugu koperatifu ka jabalamaraso laje. Jabaworomansin be koperatifuin bolo. A be jaba jiranen dila k'a feere. Nin baara ninnu bëe be nénaböö balikukalanden jolenw fe.

An b'aw ladonniya, ko Banjagara dugukolo fanba ye kulumayorow ye. Senekeyorobëre te yen. Jabasene de y'u ka baara fanba ye. U ka musaka ni dumuniko bëe sirilen be jabaçongo la.

Dokala Yusufu Jara

Sirabakankasaara ye Fasokanw yiriwali baarakela dòw soro

Karidon, setanburunkalo tile 30, san 2009, kalan kun folo, Balikukalan ani Fasokanw yiriwali Minisiri Saliku Sanogo n'a nofejama y'u kunda Banjagara kansogomada joona fe. Taama in kuntu ye ka taa Balikukalan donba nénajew damineni baaraw ke Banjagara, kerénkerénenya la, dugu la min be wele Sinkarima. O dugu in kera misali ye balikukalano la, ka da dugumogow ka cesiri kan.

Kasaara ye Minisiri nofejama dòw soro San ni Tomiyan furance la. Cakeda min sigira DANAFLA no na, n'a be wele ILAB (Kanw Yiriwali Jeñinida), o baarakela mögo 5 tun be mobili min kono, o binna fo k'a kolonkolon k'a to boli telimanba la.

Mögo kelen fatura, o togo Abubakirini Ture, ale tun ye Songoyi (koroborakan) yiriwali nemogo ye. Mobilobilila Fankelen Jara, ale dalen be halibi dögotoroso la; Naliboli Diko, nemogo dankan; Poli Gindo kalan kecogo feerew nemogo, ani Mahamadu Konta, Bamanankan yiriwali nemogo, olu joginna. Ala barika la, olu be so bi, u ye baara damine. Mahamadu Konta y'an jenogon ye Kibaru la.

O don kelen na, Minisiri Saliku Sanogo ni mögo joginnenw ani fure seginna Bamako, k'u kunda dögotoroso Gaburyeli Ture kan. A nofemogo tow taara Bajangara ka teme ni baaraw ye. Ala ka hiné banbagats la, k'an kisi nin nogonna kasaara ma, ka nogoya ke mögo joginnenw ye.

Dokala Yusufu Jara

Sariya dōw tali bē jamana nagami

Jateminé na, sanji nacogo ka ni jinan kosebē, ka temé salon ta kan. Ni sanji foorila nin cogo la, samiyé bē son ka diya. Nka an bē waati min na, n'i ye forow lajé, i b'a ye ko sumanw (now) ma kundáma jan soro folo.

O temenéne kofé, ne bē laadilikan do fo Mali némogow ye; keréñkerénneny la depitew. Uk'a lajé, n'u bē sariya minta, ka nesin Malidenw ma, u k'a jateminé kosebē. Sariya dōw tali bē jamana nagami. I kalanna ka ke némogó ye cogo o cogo, i kana i yére danbe lagosi. Ni mogo min ma se k'a danbe lafasa a ka kalan kera tokaje ye.

An ka nzana dō b'a fo, ko ji don o, so don o, yére don de nogon te. A fo Mali kalanko nesinfan do t'an danbew lafasali ye? Mali ye farafinjamana ye; an ka son an ka farafinya ma. An te se ka ke faraje ye abada. Mogo suguya bée n'a taabolo don. Ankana Ala fitiriwaleya. Ay'an son min na n'an jonna ola, an bē geleya soro. Mogo kana kuma ke n bē se ka nin fo ye; i b'a jateminé folo n'a fora, n'a be ben i mogo nogonw ma, walima n'a ténna ben u ma.

Séku Umaru Konaré ka bo Jifali, Jedugu Torodo komini na Kati.

Faantan sen te setigiden furuli la

Sisan furu sata ka ca. N'a fora an ka segin korolen ma o bē son ka geleya. Sabula n'i ye fofu furu jateminé, muso da tun te don furukuma na. Donniw tun y'a jira konimusoye furu ofurudila, k'o furu kelen bē tine.

An bē bi min na, furu ko bē latigebaa ye musow ye. Cew kelen bē denkerefew ye furuko la. Sariya min tara, ko mogo kana a den karaba ka di ce ma. Den de bē jininkia a be ce min fe. O geleya selén bē mogow ma bi. Ni fe yére te, fantan te setigi den soro k'a furu bi.

Waatiwtemena setigiyutu b'u

Dunkafa bē sabati ni senekefenw nogoyara

An ka jamana némogow ye senekefaw déme. U ye doromé 1.000 bo nogo songo la. Owaleya in bē ke sababu ye ka dō fara balo sorota hake kan jinan, ani ka koorisene nogoya. N'i ye jateminé ke, salon nogo tun ka gelén kosebē. O kera sababu ye ka kaba sorota dogoya. O koson senekeela caman bē balosan na sisan. Malosi fana sorobaliya ye dōw ka balodesse kun ye jinan.

Misali la senekeela dō tun be kaba taari fila sene san o san. A tun be kabakise kilo 7.500 soro o taari fila la. Nka salon nogokogeléya koson, a ye taari fila in sene ten nogo ma k'a la. Aka soro ma temé kilo 4.200 kan. Mogo min ka denbaya be kilo 7.500 dun. N'o ma dōwre soro 4.200 k'o, osigilen bē ni balosan ye. On'a nogonna caman. Dunkafa te se ka sabati ni senekefenw songo ma jigin, ni senekefawani angerew songo ma jigin. Jamana némogow be ka ninjaniya numan minta ka senekefaw segeré, o bē son ka ke sababu ye dunkafa ka sabati Mali kono.

Daramani Sise ka bo Nogolaso,
Sanzana komini na Kinan Sikaso

Poyi : Ceyá

Ceyá ye koba ye;
Segen ni wosi,
Segen ni timinandiya,
Mujun aní sabali,
O de ye ceyá ye.
Ceyá ma dabo lafiya kama.
Ce de bē dabakala ta ni dusu ye,
Ka nasongo bo ni nisondiya ye.
N'i ye cew feere songo kelen na,
Mone bē do faga.

Cékiseya bē dōw dakan na;
A te karaba.
Mugu ni kise te mogo ke ce
kise ye,
Kalan te,
Wari te.
Baarañumankela de ye ce kise
ye.
Mogo kana jón i yére la,
Ceyá ye koba ye.

Isa Jalo ka bo Kodugu,
Dugabugu komini na Kati

Masogo sanuboyoro datugura faamaw fe

Masogo bē Miseni komini na, Kajolo mara la. A ni Miseni ce ye kilometré 15 ye. Damanda ni dugu ce fana ye kilometré 7 ye. Damansennaw tun be kilometré 15 nogonna koorilamini kono. Nka utikalo salen in na, faamaw ye Masogo sanuboyoro datugu.

Jateminé na, Masogo sanuboyoro jama tun ka ca kosebē ka temé Sikaso mara sanuboyoro bée ta kan. I t'i miiri manamanako si la, ko min fana tun te ke yoro in na : Sonyali, binkanni kafognogonya sira fe ani bolofenboosi, bolofenw namarali, furukurunin, dörögubata ani kowerew. Waley jugu ninnu tun damatemena. O de koson sanuboyoro in datugura. N'o te Masogo tun ka di garijigedumantigia la.

Ne yére ni do jera ka baara ke muso waribatigi do ye fo ka teriya don ne n'o ce in ce. An tun bē daman sen; tile o tile muso in be doromé 200 di an ma. An ye tile 5 ke o la ka dugukolo sen ka jigin fo k'an se sanumayoro ma. Ni se kera sanumayoro ma, daman bē ke dingessennaw ni waribola bée ta ye. Sanu min mana soro, o musaka bē tila a kofasa kan a' ni nogon ce. Masogo damansen minenw tun te fen werew ye; dabaw, pikiw, bögocélanw ani jurufilen ka fara sanubogo koli minenw kan. Ne ni n terike ye metré 8 sen yanni k'an se sanumayoro ma. A to kera bolofaraw senni ye ka taa dugukolo nefe. A bē fo o bolofara ninnu ma damansennaw fe, ko kogorwo walima komugu.

Wusuru bilali jagokelaw ye, o joyoro ma ye Mali balokogeléya la

Sunkalo daminená utikalo tile 22 Mali fan bée fe. O benná sibiridon ma. A nisondiya bonyana; sabula a bē san caman bo, Mali kono silamew tun te sun damine nogon fe, sanko k'a kuncé don kelen na. Ne bē dugawu ke jinan mogow ye sun don nogon fe don kelen na cogo min na, Ala k'a to an k'a kuncé o bennan kelen kono. Nka kolosili la, san o san sunkalo mana se, fenw songo bē yelen kosebē. N'o ye dumunifew ko ye. O kelen bē laadá ye Mali jagokelaw fe. A dun fora ko Mali yé hine ani nogondéme jamana ye. Jamana némogow ye wusuru bin ka bo dumunifew minnu kan walasa u ka soro nogoya la, o joyoro te ka ye jagokelaw bolo. Sukaro kilo 1 sera doromé 120 ma; malo kilo 1 ye 80 ye; no kilo 1 bē 40 na; tamaro kilo 1 ye 250 ye; no folonnen kilo 1 ye 62 ye; kaba kilo 1 ye 40 ye; tulu litiri 1 ye 150 ye.


Ne bē min fo wulakonombogow ye, u k'u hakili t'u yére la. Ka na no kilo 1 san i bolo doromé 20, ka laban k'o feere i ma 40, o b'a jira ko jagokela te hine a te makari. A ka here bē geleya de la.

Alu Kone ka bo Zoni Endisiriyeli la Bamako

Sunkalo ye jagokelaw ka manankunw sigiyoromani kalo ye

An bē don min na, Mali jagokelaw bē ka sunkalo ke manankun sigiyoromani kalo ye. A fora ko Mali ye silamejamana ye. Kohine ani nogoya jamana don. Su ni tile an tulo b'a kuna na, ko sunkalo ye nogoya ani barajinini kalo ye. Nka Mali jagokelaw bē jinika faantanw lasiran sunkalo ne.

Sabula dumunifew songo te damatemegelya ni sunkalo mase. Kasoró waatiwtemena, ni sunaklo tun sera, do tun bē bo fen caman songo la barajinini koson. I n'a fo sumanw, sukaro ani tulu. Jinan sunkalo la sukaro kilo 1 sera doromé 100 ni dugu ce a diya la. Dōw ta sera 110 fo 120 ma. Sano fana yelenna



Isa Jalo

ka se 55 ma. Jaba songo b'a ta 100 na ka se 110 ma. Jagokelaw dun fana k'u ye silamew ye. U bē seli, u bē sun, ubé jaga bo. Béé dun ko silamediine nana nogoya kama. Mali silameya ye dalafoli doromé 100 ye; a kewale te mogo caman na.

Isa Jalo ka bo Kodugu,
Dugabugu komini na Kati

Tine na, Ala m'anw garijige diya sanuko la. Sabula an ka sanu soreden mune musaka ma se doromé 6.000 ma. O wari soreden fana tilala an mogo 3 ce; n'o ye ne ni n terike ani muso min tun b'an ka tilebaara sara yanni k'an se sanumayoro ma.

Mogo o mogo tun bē damandinge datige Masogo sanuboyoro la, o tun wajibiyalen don ka doromé 500 sara dugutigi ye. Donso minnu b'a kungoda kolosi olu ka sara tun bē bo o la, ani ka do di meri ma wari in na. Béé n'a ka baara don damanda la. Mogo tun bē yen, olu tun bē bugu jo nabaaw ye. Bugu kelen musaka b'a ta doromé 800 na ka se 1000 ma.

Berema Berete ka bo Diyu, Kajolo mara la

Kominiw konseye caman ye balikukalanden jolenw ye

Balikukalan togolodon keréñkerénnen ye setaburukalo tile 8 ye dije kono. A sigira sen kan san 1965, Teheran; n'o ye Iran jamana faaba ye. A dabora faantanjamaw ka kunfinya ka ban, yiriwali kuntaala jan ka sabati. Balikukalan joyoro yera Mali kono kosebē. Sabula a kera sababu ye senekeela caman b'a ka baaraw jenabo a yéremá. Kooriseneba b'o la, jenosená ni malosená fana b'o la.

N'i y'an ka sigidaw lajé, meri ni konseye to caman ye balikukalanden jolenw ye.

Ne ye ko kelen kolosi Kibaru jemukan senfe; san kono, senekefaw doron de bē nogon kunnafoni u ka baaraw cogoya kan. Ne b'a nini baganmaralaw, monnikelaw ani bololabaarakelaw fana fe, u k'an bo kunpan na. An mago b'u ka kunnafoniw na. An bē de ye jamana in wulakonobaarakelaw ye. A ka di an ye, an ka bo nogon ka geleyaw ani nogon ka hérrew kalama.

Alu Kone, jagokela don zone Endisiriyeli la, Bamako

Kalankene N° 86nan

Demokarasiko (2)

Demokarasiko dakun filanan bë boli Tilebinyanfanjamanaw kan ani Körönyanfanjamanaw k'o nefs a ka faamuya. Alimankélé filanan bannen k' 1945 san na, sebaa k'era jamanaba fila ye, u n'u teriw an'u jenogonw : Lamerikenjamana ani Sowiyetikijamana, no ye Irisila ye bi. O waatiw la, Alimanjamana n'a terijamanaw n'a jenogonw (Otiris, Hongiri, Itali, Zapon...) olu fanga tun bonyara fo ka damateme. O jamana ninnu némogoba tun ye Alimanjamana kuntigi ye, Adolifitileri. O jamana ninnu funti-funtira dijne fan bëe, ka Eröpujamana fanba bëe mine, k'u bolo moçio bo dijne yoro wërew nefs. Lamerikenjamana tun sen te k'ele in na, nk'a laban na, a farala.

Dukene N° 62nan

Du kura musakaw jesigili (1)

I be fen jesigi, i be min sidon. Du kura musakaw ka kan ka sidon, ka ben u kan, ka soro k'u jesigili baaraw ke. Musakaw sidonni, k'u pereperelatige, k'u sigi kelen-kelen, nafolo min ka kan ka don u kelen-kelen dafé k'o boloda, k'o nini, o te dutigi kelen ka baara ye du kura kono. Duden bëe lajelen ka baara don bawo mori bëe n'a joyoro don misiri kono. Du bëe n'a musaka don kalo kono ani san kono. Musakaw bë boloda ka keje ni du mögo haké ye, ka keje ni duden kelen-kelen ka baara suguya ye an'a ka soro haké, ka keje ni du sigiyoro cogoya ye. Ni Du kura be burusi kono, o musaka ani ni Du kura be galodugu kono, o musakaw te kelen ye. Ni dumogow kalannen don ani n'u ma kalan, olu ka musakaw cogoya te kelen ye.

1 - Du kura musakaw sidonni ka ben u kan : Kalo kono musaka dow keli ye diyangoya ye, dow te diyangoya ye. Musaka dow keli ye kudayi ye, dow ye waati ni waati ye. Musaka dow yere ye cunkan ye.

Tile o tile musakaw : Balo ye diyangoya ye. - Keneyako musakaw tali diyangoya ye. - Kalanko musakaw tali ye diyangoya ye. - Dugubaw kono : kuran, ji, telefon, ani taransipori musakaw tali ye

Eröpu tilebinyanfanjamanaw kan, olu deselen ko, k'u deme ni nafolo ye, kelekeminen ani keleden ba caman. O tilebinyanfanjamanaw na kolo girinw tun ye Anglejamana ye, Faransi ani Beliziki. Lamerikenw k'era sababu ye ka Eröpu tilebinyanfanjamanaw bëe lajelen bo bolo la, ka Alimanw k'ele, k'u gen, ka se u la fo u ka faaba kono, n'o ye Berilen ye, ka taa u ka jonjon turu yen n'o ye darapo ye. O la a fora Lamerikenw n'u teriw n'u jenogonjamanaw ma ko Tilebinyanfanjamanaw. O alimankélé kelen in senfe, Hitileri n'a ka kelekedenw tun ye Eröpu körönyanfanjamanaw bëe mine, ka don Irisijamana kono, ka dugu caman ci yen. Nka u ma se ka

Irisiw mine. Mögo miliyon 20 sara. Irisiw la nka u ma se ka Irisiw mine. O Irisijamana ye dankari alimanw na körönyanfan fe, k'u k'ele, k'u gen, ka taa se u la fo u ka faaba kono, k'u ka jonjon turu yen n'o ye Berilen ye. Irisiw n'u teriw n'u jenogonjamanaw Eröpu körönyanfan fe, u ye minnu bo bolo la, olu welela Körönyanfanjamanaw. Politikiko nasiraw la, soro yiriwaliko ani sekó ni döñko nasiraw la, Tilebinyanfanjamanaw taabolo k'era Kapitalismu ye. O siratige kelenw na, Körönyanfanjamanaw taabolo k'era Sosiyalismu ye ani Kominismu ye. Don do la, an bëna o taabolo ninnu fesefesé k'u nefs Kibaru kalanbagaw n'a kanubagaw ye.

Nka kabini sisan, an k'a don ko nin kulu fila bëe ka fanga sinsinnen bë Demokarasiko kan. Demokarasi min sinsinnen bë politikitoncamanko kan o de bë sanga la tilebinyanfanjamanaw kono. Demokarasi min sinsinnen bë politikiton kelen doron kan, o de tun bë sanga la Körönyanfanjamanaw kono. An k'a don fana ko Körönyanfanjamanako dabilala bi; bawo Irisijamana miñ tun y'a nekun ye, o y'a sen bo Sosiyalismuko ni Kominismuko la.

Jamana minnu cësirilen b'o ko ninnu fe halibi dijne kono, n'u kelen bë ka tøgo soro a la ani yiriwa, olu ye Siniwajamana ye, Kore min bë k'ejek fe ani Kuba jamana.

Mahamadu Konta

Koro ye hadamadenya taabolo jenjor ye

Mögo be sennaanitaama ke, ka sensilataama ke, ka laban ka sensabataama ke i köröbayalen. Koro ye hadamadenya taabolo jenjor ye fosi te se ka min bali. Dogotorow n'uka ko bëe, u ma fura soro folo koro la. Nka an k'a don, ko ka koro ni hakilitijé don nögön na, k'u ke kelen ye, o ye filiba ye. Koro te na ni hakilitijé ye. Hali ni koro be na ni dëse ye mögo ma sira caman kan, hali hakiliyanfan fe, o koro te k'a be kunkolowuli lase mögo ma. Bu Jakite ye sorodasidogotoroba ye, koloneli don, a be baara ke Pönze dogotorosoba la, nin kuma ninnu ye ale de ka hakililaw ye köröliko kan. A ko hakiliikeleku min bë mögököröbaw soro, a man kan o ka wele fa. Mögo caman hakili la, hakiliwaasiye k'oro taalanye. U b'a fo fana ko fura t'a la. Ob'a tou k'umakobö mögököröbaw la k'u ye k'utd yenten, k'a turu da koro kun. Mögököröba ni ladonko numan ka kan walasa hakiliwaasiye in kana yelema ka ke a dama bana wëre ye, min ka jugu kosebe. A ni mögow kakan ka dorogo. A ka kan ka negen-negén, k'a sagow ke a ye. Mögököröba geleya do fana be yen, o ye saya ye. Saya miirla te bo a kunkolo la abada, a be miiri a la tuma bëe, dow yere be siran a kuma foli je. O la limaniya de b'o lateme mögo kan. Dogotoroba Bu Jakite y'a jira ko ni mögököröba ye baaraba caman ke a ka nénamaya kono, saya nimisa t'a soro, a b'a laben k'a kono. Nka n'a nimisalen don bawo a tun b'a fe ka ko caman ke, Ala m'o si nögoya a ye, a te se k'a laben ka ne ka saya kono. Ka mögököröba deme a diyanyeko caman ka ke a nena, o ka ni a ni ma, a hakili, an'a farikolo; bawo si de bë mone bo.

Berema Dunbiya / Mahamadu Konta

diyangoya ye.- Cikeduguw la : sene, baganmara, monni, jiriforokow, olu musaka tali ye diyangoya ye.- N'i be luwanse la, sosara ye diyangoya ye.

Kobsili : fanga, paritipolitikiw, jagokelaw ka tonw, sendikaw, dutigiw ani jekulu, olu be se k'u fanga fara nögön kan ka nin tile o tile musaka ninnu fanga dögoya, k'u bërebén jamanaden fanba sekó damajira ma.

Waati ni waati musakaw : olu ye- Seliw ye,- Denkundi,- Furusiriw,- Saya.- Dunan jonjonw jatigiya. O musakaw keli ye diyangoya ye, nka laada be se ka latilen kasoro tijeni ma ke, kasoro Du kura ma dan sagon, ka teme a sekó kan.

Kobsili : Fanga, dugutigiw, sigida lakodonnenw, diinejekuluw, ani sigida jekulu werew ka kan k'u sen don waati ni waati musakako ninnu nénaboli la walasa k'a ke Alako ye ani mögoko ka wariko ni fenko sen bo a la.

Jamanadenya musakaw : olu ye- Lenpow- Saalenw- Takisiw,- Ani benkanwaribö werew minnu jalatigera sigidalamogow fe, jamana, walima dijne jekulubaw, demenini kama O dow ye diyangoya ye, dow t'a ye.

Cunkan musakaw : olu ye

Kunnafoni surunw

farilafen min bë wele nansarakan na «le fer» n'o ye négé ye, o be dögoya a tigi fari la. Kerenkerennnya la basibonba be jolidese lase muso ma laada jugu fe.

- Tëge magaman : N'i b'a fe i tegew ka magaya, i be komiteri susulen, walima ji kalan kogoma, i b'i tegew ko n'o ye.

Kasoro k'i tegé sanango ji sukaroma na.

. Ka daji bo tegé la : Sëbennekkelaw ni mögo werew, n'a b'a fe ka dabaji bo a tegé la, a ma se a bolokonin teregeli ma fen kologelén na fo ka bolo jogin.

A dan ye ka tamati k'ene ci k'a tegé terege nögön na n'o ye dabaji be sin k'a tegé bila i n'a fo suyalako.

- Laada ye basibon ye : Muso ka laada kónona na, basi (joli) hake min bë b'o a fari la, o be teminwëre tilance bë. O man ca kosebe. Farikolo be laban k'o nonabila teliya la.

Laada kónona na, muso fari be faga; o te baasi ye. A yere farilafenw de b'o farifaga in bila a la. Ni laada ka jugu, walima n'a kuntaala ka jan,

Biton Kulubali ka bulon 7 bëna lakuraya

Mamari Kulubali ni bëe b'a don ni Biton Kulubali ye, a lakodonna kosebe Segu bamananfanga kònona na. A ye dakabana bulonba 7 jo k'o ke a ka fanga dagayoro ye Segukoro (Sekoro). Ni mogo min mago tun be Biton na, walima n'a y'i wele, i b'a segeré bulon 7nan kono. Tonjón 7 tun be bulon 6 föl' kelenna bëe kolosi.

Tonjón kolosilikela ninnu tun be jø bulon seleke naani na, kònona na. Maramafénw b'u bolo; n'o ye semen ni marifa ani penpelenkurun ye. Mogo te teme bulon fe u ninema. Kéleminen ninnu bëe n'u jecé don. Ni marifa te fén ke mogo min na, i b'a soro semen be se o la. Ni semen fana te se a la, i b'a soro penpelenkurun be se o la. Nin fén 3 ninnu dòlakelen te dëse mogo la.

Tonjón minnu be bulon kolosi, kelen ye ciden ye, kelen be dòlo soli ka di tow ma, kelen ye u ka buguridala ye. A to 4 ye maramafentigw ye. Mogo o mogo mana don bulon föl' kono, dòlo be soli ka di i ma, i b'o min. O ye wajibi ye. U be soro k'a nininka a nakun na. N'a ma bo a kan kan, u b'a lateme bulon filanan mogow ma, k'a

fo a ma ko «Ala ka se n'i numan ye; n'o te koseginni koni kuma te tuguni». Ni mogo min ni Biton ma ben fölen na, tonjónw b'o faga, k'o bolofénw tila u ni nögon ce. Hali mogo fagalen farilafiniw, tonjónw b'o bëe ta. Bulon föl' tonjónw mana sira di mogo min ma, nininkali ni bagabagaliw be k'o tigi la bulon filanan, sabanan, naaninan ani duurunan tonjónw fe. Nka dòlo te di o ma yenyorow la. Bulon woɔrɔnan de fana na mogo be nininka a nakun na halisa faama yoro. Dòlo be di a ma a b'o min, ka laban k'a nininka kokura a ka segin a nakun kan. Bulon föl' ni woɔrɔnan furancéw la, tonjónw be bagabagaliwalew ta ka temebaaw segeré; nka n'u ma bo u kan kan, u b'u bila ka teme. Dòlo koni te di mogo ma o yorow la. Mogo mana tila bulon woɔrɔnan tonjónw na, o be soro ka don Biton kan bulon wolonwulan kono. Mogo 14 be faama fe yen. A ka jeli man di n'o ye Sankoyi Koyita ye, ka fara faama kolosi tonjónw kan. N'i donna faama kan, i b'i nöngirin k'i nakun fo, walima ka Biton lamen. Biton b'a fo, nin ce in be kuma i ko muso. A'

ye dòlo di a ma walasa a na ce kan fo. A falen dòlo la, a mana min fo o de y'a tigi nakun ye. Bulon 7 temeni ye cefarinya dan bëe ye. Fili mana i soro a dò kelen kono, tonjónw b'i faga.

Ni Biton ka tönsigiw be ke, mogo welelen be mana don tuma min na, tonjónw be bulon föl' ni wolonwulan bëe datugu. Boda te mogo bolo tuguni. Faama mana min fo, bëe be son o ma. Mogo min mana ban faama kumakan ma, tonjónw b'o kunci k'o da fara. O waatiw la, bamanance bëe tun be faranfilabanfula don a kun na. Ni faama kumana, minnu be son a ka folen ma, olu be sin k'u ka fugula faran fila körötä ka bo u tulonw dala. O b'a jira k'u sonna. Ni minnu m'o ke, o b'a jira k'olu ye faama kanköröb. Sira be di tonjónw ma, u k'olu kunci. Biton Kulubali tile ma dogo mogo la Segu bamananfanga kono.

Umaru Bala Ture min ye lotoliko ani ne daamudayorow nömogo ye, o y'a jira ko ni Biton ka bulon 7 lakurayara, a be ke fileliyoro soroën ye mogow bolo. **Nuhun Tarawele Dokala Yusufu Jara**

Kayi pon labilala

Kayi pon tun datugura ka kalo fila ni tile damado ke. A labilala jumadon setanburukalo tile 4 san 2009. Pon in jora san 1997, a joyoro ka bon kosebe Bamako ni Dakari ce taama na.

Kodiwarikélé daminenen san 2002, Bamako ni Dakaro ce kéra magonafénw donni n'u boli sira föl' ye an ka jamana kono. Jateminé na, jagofénw kemesarada la, 70 be teme sira in fe.

Dijé don o don kamiyonba 300 de be teme Kayi pon fe. Kamiyon caya kofé, i b'a ye ko domi hakéteme koson mobilitigw fe, Bamako ni Dakaro ce sira fan dòw tijéna; kérénkerennya la Kayi pon. Nin tijéni ninnu tun be ka dankari Kayi ponko yere la.

Cakéda min jésinnen be sirabaw labenni ma o ye pon in laben. O kofé, kamiyon labanna ka dingebaw b'o pon kono, fo ponko tun bëna dabila. O de kama pon tun datugura.

Datuguli in ma taa kayikaw ni taamadenw jiminsira fe; ka d'a kan Bamako ni Dakaro dulonni nögonna o kofé, a joyoro ka bon kosebe kayikaw bolo Kayindi ni Kayiba lasoroli la. Pon datuguwaati bëna samiyedonda ma; bëe dun b'a don ni ji donna pon fitinin be tige. O bëe kofé, mogow tun be ka siran a kana



Baaraw musaka surunyara sefawari miliyari 2 la,
Góferenaman yere y'o sara

ke sababu ye ka feerefénw söngé gelyea.

Kayi pon datugura mèkalo tile 22 san 2009. Walasa mogow ka lafiya, babili körönin dayeléla mobilis fitininw ye nk'a ma meen ji y'o datugu.

O kelen, sorodasiw ka baaki ani dugumogow ka kurunw de tun be mogow tige.

Kayi pon labilala kokura. A baara bëe kéra cakéda fe min be wele «Somafrec». A musaka bëe

lajélen surunyara sefawari miliyari fila la. A nafolo bëe bora an ka jamana warikésu kono.

Baarakémienko ani bolifénko minisiri, Hamed Jane Semega ye sorodasiw fo u ka baaranjuman na, ani «Somafrec» a ka lahidi timeni na. A ye hakililajigin ke tuguni, ko pon in dan ye toni 11 ni garamu 500 ye; ko mogo si kana teme o haké in kan.

**Bayi Kulubali
Medi Jare**

Mali ka san 2010 baarakenafolo naniya sirila

Baarakenafolo min naniya sirila san 2010 kama, o be Mali ka wari soroaw ani musakataw dantigé, ka jésin góferenaman ka baaraw ma.

Gelya min be dije kono, Afiriki tilebiryanfan fe ani Mali yere kono ka fara politiki nasiraw kan yiriwali la, seko ni donko ani hadamadenya sabatiliko la, jateminé kéra nin bëe la, ka Mali ka san 2010 baarakenafolo naniya siri. Min b'a to faantanya be kele, soro ka yiriwa.

Wari tilacogo cakedaw ni nögon ce, o b'a jira ko góferenaman hamieye hadamadenya sabatiliye jamana kono, Mali jigi be wari hake min kan san 2010 kono, oye sefawari miliyari 1.072 ani miliyon 721 ye; kasoro san 2009 na, ajigitumé miliyari 1.001 ani miliyon 800 kan. Kemesarada la 7 nimurumuru 8 farala o kan. Mali ka wari musakataw be ben sefawari miliyari 1.129 ani miliyon 104 ma. Kemesarada la 5 ni murumuru 59 farala o kan.

O b'a jira ko Mali ka san 2010 baarakenafolo naniya sirilen be dëse ni miliyari 119 ani miliyon 579 ye; kasoro san 2009 ta tun be dëse ni miliyari 127 ani miliyon 304 ye. Kemesarada la o ka dogo ni san 2010 taye ni 6 ni murumuru 7 ye. Demewari minnu be di kokanjamanaw fe baarakenafoloko la ani Malidenw ka bilankoro bëna ke sababu ye ka san 2010 baarakenafolo dafa.

Kunnafoní surun

Fenjenamacinda fura : Ni fenjenama do y'i cin, i ma i cinfen ye, i be gilasikuru da a yoro la ka segoni damado ke. Ni soso don, i be dakosafune do mun fenjenamacinda la. Ni diden don, i b'i teliya ka ncon in sama ka b'o i fari la. I b'o ke konuman ji min be forogonin kono bije ju la, o kana ci ka ji caman jigin i fari la. O ji in de ye diden baga ye. I be soro ka fen kalaman do magen didencinda la. O be se ka ke sigaraeti ye walima fen wëre. Tasuma funteni be diden baga faga. I be laban ka gilasikurun da a yoro la ka waatinin ke. I be laban ka winegiri susa a yoro la kokura. Ni dimi ma kotige osila, i be se dögötöro ma.

Mogow te darakako dabila munna? Mogo mana da sufé fo ka taa a fo a wulila sögoma, a b'in'a fo a tun be sunna. A be daraka min dun o kofé, o be funteni don farikolo la, k'a hakili dayele, min b'a to a ka se ka tile girinkajo damine konuman nisondiya la. O de la n'i panna daraka kunna, sanni tilelafanaduntuma ce, kongo b'i tööro kosebe. Mogok kanka darraka jenama dun sögomada fe; o be fanga don farikolo la. Nka n'i ma fen dun sögomada fe, halin'i sigira tilelafana kunna, i fari te walawalan a dunto. Dumuni be sigi i da ma, a nege te don i la.

Lawale Baro

Jonfeere labanna Afiriki marali la nansaraw fe (1)

San 1.500 banwaatila, Nansaraw, Lamerikenw ani Larabuw tun be na mogow san Afiriki kono, ka taa u feere Ameriki gun kan. Afiriki jamanajemogow yere fana tun be u farafinjogonw mince ka feere sannikela ninnu ma. Atun be fo nin waleyia in ma jonfeere. A tora sen na fo ka se san 1.900 banwaatima. Jonfeere dadigira Afiriki jama na kosebe san 400 kuntaala kono.

Jonfeere jujon

Jonya tun be Afiriki kono yanni nansaraw b'a damine; nka o jon hake tun man ca kosebe. A fanba fana tun ye dukonobaaraw kebaaw ye. Nka nansaraw sendonnen a la, mogo (jon) miliyon caman sanna Afiriki kono ka taa u kofili Ameriki gun kan.

Jonfeere jujonna cogo min na, kogojikanyaalalaw bolen dugukolo kura kan san 1.500 waati la n'o ye Ameriki gun ye. U y'ananiya ka mogo fangabatigiw nini ka taa odugukolo in labaara ka nafa soro a la.

U hakili jiginna Afiriki mogow la. Ameriki gun kan nansaraw tun ye damansenw damine yen, ka sanuw ni warijew labo; ka timinkalaforow da, ka kafewnikooriwsene. Uye mogominnu soro Ameriki n'o ye Endjew ye, u y'olu kele ka dugukolow mince u la. Ka laban k'olu ke jow ye ka bila damansenw ni sene na. Endjew fanga tun ka dogo; u tun te soro ba ke. Eropu dun mago tun be sainu, warije, timinkala, kafe ani koori caman na. O de koson nansaraw y'u nesin Afiriki ma, jonnini na; Bawo Ameriki woroduguyanfan n'a cemancebole dugukolo ni Afiriki sahara woroduguyanfancogoya yekelen ye. U ka mii kera ko farafinw be se ka dugukolo in labaara kosebe nafaba ka soro a la.

Se be mogo minnu ye Nansarala, n'o ye batonbatigiw ye, olu tun bena jonnini na Afiriki kono, ka taa u bila babugubaara la Ameriki. U tun be jona caman fana feere forotigi werew ma yen. Nansarala jamanajemogow tun ma sonjonfeere ma. NKA nafa min tun be soro jow kofasa la Ameriki ka nesin uka jamananw ma, uta labanna ka juguya setigi kelen-kelenniw ta ye jonfeere la. U ye dabali kologelenw tige jona caman celi kama ka Ameriki segere. U ye jonsanyoro ani jonsamarayoro caman jo Afiriki lamini kogojidawla. Oyoro ninnu daw togo file : Ariguwen, Gore, Lezili delosi, La mini, Uwida, Ferinando Po, Sawo Tome, Lowanda, Zanzibari,... olu de togo tun bolen be kosebe. Nansarajamanaw yere ye nin dagayorw ninnu kojew nenafo u ni nogon ce. Jonsannaw tun mana mogo minnu soro, u bena olu lamara yen. Afiriki jamanajemogow yere tun be

mogo kologelenw mince ka n'u feere jonsannaw ma u dagayorw la. Jonsamarayoro bema jow ce yen ka Ameriki magen.

Jonfeere bolodacogo

Kenesumankalan na, taamasiyen min be wele keresabama, jonsfeere fana tun y'o nogonna ye. Nansaraw bema jagofenw falen jow na Afiriki kono. Ka jona ninnu ce batonbaw la ka taa u bila babugubaara la Ameriki gun kan. K'o sorofenw donni ka ladon Eropu; n'o ye Nansarala ye. U tun be na sanu, baganwolow, samagelew ani fen suguya caman werew falen jow na. N'u taara u feere forotigiw ma Ameriki, u be sukarow, koori, kafew, ani fen werew san ka taa n'olu yeuka jamanawna. Nansaraw mago tun be nin fen ninnu na kosebe. Esipajoliw ni Poretigew kera jonsfeere daminebaaw ye san 1.600 waati. U tun be k'u kanga Nansarajamanaw ni Afiriki lasoroli ce a ko la. Nka san 1.700 waati, Angilejamana, Faransi ani Porowensi Insi, olu y'u kele ka wajibidon Afiriki kono k'u sendon jonsfeere la. Okelen, kabini Esipajoliw ni Poretigew y'a don k'u fanga tene se ka sira datugu jamana werew ne bilen. Uye jonsfeere yamaruya sebendodilan san 1.800 waati la min be wele «Lasiyento». U tun b'o feere jonsfeere jinibaaw ma. Lasiyento do b'u yerebolo.

Faransi ye jonsamarayorw laben

Kapuwari, Senegali ani Afiriki korenyanfan kogojida la. O kera san 1.664, u ka masake Koliberi tile la. Jonsamarayoro werew tun be Faransi bolo; nka folen ninnu de tun lakodonnen be kosebe. Angilejamana masake n'a femogow doron tun ye jonsfeere kebaawyesan 1.661 ni 1.697 furancew la. O kofe, masaso ye sira labila jamanaden to be ye, u ka t'u ta nini jonsfeere la Afiriki kono. K'a damine Senegali la ka taa a bila Kapu Lopezi la, Nansarala jamanada mado tun be k'u fanga fara nogon kan k'o yoro in mamine, jamanada were kana se yen. Nka k'a damine Kapu Lopezi la ka se fo Kongo Kinisasa bajji ma, o tun labilalen be mogo be ye, ka don Afiriki kono jonnini na. K'a ta Kongo Kinisasa bajji fana na ka teme Angola fe fo Bengela, Poretigew fana tun be k'o yoro mamine u yere ye. U ka jonsamaraw tun ye Koti dori, Le ruwayomu de zuda, Le Benen, La kota de Lowango ani Angola.

Afiriki yere sendonni jonsfeere la

Nansaraw tun bema ni magonefen minnu ye Afiriki kono, jamanaden tun be girin olukan. Kerenkerennenya la, masakew tun mago be sanu caman na ka ke nafolbatigiw ye. U mago fana tun be marifaw la ka masake werew kele, k'olu ka yoro mince ka fara u ta kan. O naniya ninnu y'u don u yeredamaw mineni na ka taa olu feere nansara jonsannaw ma u

dagayorw la. Nka yamaruya tun te farafinw bolo ka sin ka feere ke jonsannaw ma. Kokiseriw tun b'u ni nogon ce, n'o ye teremenikelaw ye. Olu tun b'u nenawoloma jonsorolen na, ka jona kologelenbaw san u bolo, ka n'u ta nini olu la jonsannaw dagayorw la. U tun be jonsfeere ni jonsmusow be san farafinw bolo. Jonsanwari tun te dowere ye marifaw, finimuguw, murujanw, tubabudolo tinenenw, dunkarew, ntananninw, jifilenw, ani fen suguya werew. Jontun be falen kannakonow be la. Jonsfeere ye dadigi Afiriki jama na kosebe. Camanba bora farafinw na a waati la, mogo caman y'a sigiyoro bila ka taa a nemadogo fanwerewfe, Afiriki masake caman fana ka fanga tijena jonsfeere konona na; a daw yere tora jonsfeere gongo la. San 1.400 waatiw y'a soro here min be Afiriki kono, jonsfeere y'a bone obesla. Jamanaw mogo nena ma be minena ka feere jonsannaw ma. Jonsannaw be soro k'u ka jonsorolen ke batonbaw kono k'u seri kogoji kan ka Ameriki magen. Batonba be min bolo o, mankannin be min bolo o, a be b'a fe ka taa ni jon caman ye siye kelen na. Baton kelen jon hake tun b'a ta mogo 500 la, ka se 600 ma. U be jow nokurunsoori nogon kan. Baton kelen jon hake tilalen 4 ye, kulu kelen be sa sira la yanni k'u se Ameriki. Tuma daw yere la, jow be muruti lamarayorwla, walima udontobatonw kono. Hali k'u to kogoji kan ka taa, murutili w be ke. O n'a ta be soro u te kisi Amerikitaa ma, fo minnu mana to mugusisi walima kuncilli la. Jonsmanase Ameriki, forotigiw ben'u san i n'a fo mogo be yuguyugu san cogo min na. Nataba ni sugu lamini, beeb'a fe ka jonskebaw n'jonsmusobaw soro ka taa u bila nitgebaara la a ka foro la.

Gelya koson, Endijamana senekelaw be k'u musow feere

Endijamana kejekayanfan fe, ja digilen be senekelaw la o be san caman bo. Senekela daw y'a jira k'o gelyaw konona na, u ye gorogojuruwta waritigiw fe. Walasa u ka se k'olu ka juru juguw sara, senekela caman b'a la k'a muso feere.

Sene soro te ko sabatilen ye k'a sababu ke ja ye. O de koson bankiw te son ka juru don senekelaw la, walima k'u bolowariw lamara. U be juru de ta kenyereye waribatigiw fe. O juruw be kosegin ni tonoba ye; n'o ye gorogojuruw ye. Endijamana kejekayanfan fe, a san 5 ye nin ye ka da nogon kan ja b'u ka senefenw tije. Hali jinan sanji beret ka ye. O ye senekela caman jigitig k'u bila kebalike la. Minnu sebekoro coronna juru fe, a caman y'a yere faga, walima k'u ka mogo feere ka juru sara. N'o y'u musow walima u denmusow ye. Kerenkerennenya la Bundelikandi mara la, juruba kelen b's ka senekela minnu kan fa, 500 nogonna y'a yere faga san temenen in kono. Kemesarada la senekela 50 ye Bundelikandi mara bila ka yelema baaranjinya la dugubaw kono. U musow walima u denmuso minnu be feere, o warai cayalenba ye sefawari 21.600 ye. Musosanni ninnu daw be lateme furu sira fe. Furuseben be dilan olu daw la. Endijamaana faaba la Nudeli, kalansoba min nesinnen be hadamadenya sabatilikow ma, o nemogo ye Aranjana Kumari ye; o y'a jira ko Bundelikandi kono, musow ka yerekunfeere juguyalen don. Sabula senekelaw jigi tigeko jugu b'u musow feere yerekunfeere cakedaww ma.

Sanji caman ma na zulyekalo ni utikalo kono, o ye suman caman tije. Maloforow, timinkalaforow ani tigaforow b'o la. Endijamana kemesarada la, ja be 40 kono. Cakeda min nesinnen be jiko ni fijeko kunnafoni ma, o y'a jira a ka utikalo kunnafonisben kono, ko kemesarada la 24 bora sanji nata la Endi kono; jamanajekayanfan fe ka digi tilebin kan, kemesarada la 35 bora yen sanji nata hake la san kono.

«AMAP» kuntigi
Solomani Darabo

kanw kunnafonisben
baarada kuntigi
Nanze Samake

Kibaru

BP : 24 Telefoni: 20-21-21-04
Kibaru Bugufiyé Bosola

Bamako - Mali

Sebennijekulu
Mahamadu Konta,
Dokala Yusufu Jara

Labugunyoro : Kibaru
gafedilan baarada
Bolen hake 16 000

Dijne ntolatanba kupu bëna jira Malidenw na ɔkutoburukalo tile 6

Dijne sennantolatan némogojekulu n'o ye *FIFA* ye, o ni minfén Kokakola ye taamá kë jamana 16 la ka san 2006 ka kupudimoni jira mogow la. A kera ka kón ntolatanw damineni ne.


U sera jamana o jamana na, mogow sëbekoró bora ka taa u ne da kupu in kan. Ú tun ye pankurun kerenkerennen do ta a yaala kama. *FIFA* yere tun ma sigi k'a ko gintan bë bonya ka se hake min na, a temena o kan. O de koson *FIFA* ni Kokakola b'a fe k'a nögonna ke san 2010 kupudimoni nékoro. Kalo 4 kón u bená Afiriki jamana bëe yaala kupu jirali la mogow la. Kupu in be jira yoro o yoro la jamana kono, Kokakola bë biye caman ni ntolatan kanubaaw la, min b'a to u bë se ka taa ntolatanw file Afirikidisidi. Kupu ladegele t'u bolo ka yaala; min bë di ntolatanjamana nana ma dijne ntolatan kuncékené kan. A dilannen don ni sanu kara 18 ye. A girinya

ye kilo 6 ani garamu 175 ye, a kundama ye santimetere 36 ani milimetere 8 ye. Kupu in sanfekun kan, jamana minnu ye kupudimoni ta k'a damine san 1974 na ka se 2006 ma, olu togow an'u ka kupu tasaw b'o kan. Mogo min ye kupudimoni in dila, o ye Italika ye. A togo ye Siliwiyo Gazaniga. *FIFA* ni Kokakola bë se Bamako yan ɔkutoburukalo tile 6, kupu jirali kama Malidenw na. U bë lere 24 (tile kelen) k'an fe yan. N'a ka di mogo min ye, o b'a foto ta kupu kërefé. Nka mogo wëre bolo

të maga a la ni masakew n'u musow, jamanakuntigwani ntolatanna minnu delila ka kupudimoni ta, n'olu dörön te. O kunnafoni in soro Duseyi Dón Ayawo fe; Kokakola bolofara min nesinnen bë jamakow ani kunnafoniko ma Afiriki tilebinyanfan fe, ale y'o némogo ye. A y'a sementiya ko siga t'o kuma in na.

Pankurun kerenkerennen b'u bolo, kupu yaalali kama. Mogo wëre bok te maga a la ni kofolen ninnu te. K'ye *FIFA* ka sariya sigilen ye a ko la

Yanni ka se ɔkutoburukalo tile 6 ma n'o ye kupudimoni sedon ye Bamako, lajew bë ke Bamako komini 6 bëe la, ka kunnafoni di, ani ka labenw sabati ka bila kupu nani ne. O waleyaw daminená setanburukalo tile 22. Seki Tijani Sangare ye Mali minfendilayoro Baramali minfeneereko némogo ye, a y'a jira ko lajekéyoro ninnu na, biye 100 nögonna bë ni ntolatan kanubaaw la. Biye 60 fana bë labila sigidala arajow ye. U bë nininkali döw ke mogow la; ni minnu ye jaabi jumanw soro, o biye ninnu bë di olu ma. Kupu bë jira lotoli Aradisoni na Hamudalayi Aseyi la; mogo minnu gërejige donna biyew la, olu welelen don o kéné kan. Kupujira min bë ke Mali la, o némogoya bë ntolatanna Ferederiki



A dilannen don ni sanu ye

Umaru Kanute bolo. Ale ye Afiriki san 2007 sanubalon soro. Kanute bë Samataségew joyoro fa Kuluba, kupu jirayoro la jamanakuntigi la. Jamanakuntigi Amadu Tumani Ture kelen dörön de bolo bë maga kupu in na Mali kono. Mogo tòw ta bë ke an ne b'a la; u koni bë se ka sigi a koro, ka fotow ta.

Solomani Bobo Tunkara
Dokala Yusufu Jara

Mali ténna ye dijne ntolatanba kéné kan san 2010

Kupudimoni ye dijne ntolatanba ye, min bë ke san 4 o san 4.

Temenen kera san 2006

Alimanjamana kan. Kupudimoni nata bë ke Afirikidisidi san 2010.

Nin bë k'a sine folo ye a ka di Afiriki jamana ma kabini a daminewaati fo ka n'a bila sisan na.

Mali sen ténna ye Afirikidisidi kupudimoni na, k'a sababu ke a ni Benen ka filaninbin ye 1 ani 1. Karidon setanburukalo tile 6 san 2009, Mali ni Benen dëséra nögonna 1 ani 1. O waati kelen na, Gana ye Sudankaw gosi u ka jamana na 2 ani 0. A' k'a dòn ko Mali, Gana, Benen ani Sudan, olu bë kulu kelen na. Min mana joyoro folo soro olu la, o dë bë taa kupudimoni na Afirikidisidi san 2010.

Gana ye sebaaya naani soro boko naani kónonana na. Nin bë Ganakaw ke joyoro folo la ni kuru 12 ye. Sabula boko duurunan ni boko woɔronan ntolatanw mana ke cogo o cogo la, jamana wëre te se ka ku

Ganakaw la bilen. Ka d'a kan Mali ka kuru ye 5 ye, Benen ta ye 4 ye, Sudan ta ye 1 ye.

Nin b'a jira ko Ganakaw y'u ka kupudimoni taaliseben soro. Mali ni Benen ka nin ntolatan don, Samataségew kera dombagalafili ye. U ma se ka ntolan ke u ta ye waati si la. Benenkaw de ye ntolan fanba bëe tan k'a sababu k'u ka wulikajo n'u ka césiri ye.

Sanga 75nan na, Mamadu Samasa ye Mali ka bi don. Mohamedi Awudu ye Mali ka kuru jibo sanga 88nan na. Mali ka nin filaninbin in bë Maliden bëe jigi misenya; bawo, an tsna se ka taa kupudimoni na. An bë an wasa de don sa, kupudafiri la; n'o ye Afiriki ntolatanba ye, min bë ke san 2 o san 2. Kupudafiri nata bë ke zanwuyekalo san 2010 Angolakaw bara.

Sebaaya kelen dörön bë Mali wasa, walasa a ka taa Kani ntolatanba in kéné kan.

Solomani Bobo Tunkara
Medi Ñaré

An bë Kibaru Kalombaaw laddoniya, ko yelema dëenin donna Kibaru sabencogoya la.

Do farala sëben kundama kan, o de koson da bora a ne hake la. Kibaru tunye ne 12 ye. Sisama yelemanaka ke ne 8 ye, nk'oma tenbo Kibaruseben kono k'la. Kibaru kura in ne folo ni tuanan ye kulemma ye.

Kibaru kelen - kelenteere kera döröme 35 ye.

Mali kono bakurubasanni kera döröme 400 ye. Afiriki jamana wëre la doröme 300. Dijne fan wëre fe Kibaru bakurubasanni kera doröme 1.400 ye.

Mali ni Benen ka ntolatan geleyara kosebë

Mali taara ntolatan min na Kotonu Benen faaba la san 2009 setanburukalo kalo tile 6 la, jama y'an tooro yen kosebë. Ne bë min fo faamaw ye, u k'u janto Malidenw na jamana wërew la. Sabula Benen ntolatan bannen, an ma se ka bo ntolatankéne na. Benenkaw tun bë ka gabakurunw ani jisuma mananinw ke k'an bon. Mogo döw tun bë sugune ke mana kón k'olu fana fili an ma. Hali banakotaaw, nin bëe tun bë ke mana kón k'an bon, Polisiw ni sorodasiw de labanna k'an bo jama murutilen bolo. Mogow nörökelen bo ni sugune na, sapérionpiye welela ka na ji k'an kan kasoro ka Mali siperiteriw fara nögön kan ntolatankéne na, k'u don mobiliw kón; zandaramaw dara an kéré fila fe motobaw la, ka bo n'an ye. Tuma min na an bora ntolatankéne kofé, gabakurunw kera sanjikise y'an ka mobiliw kan, An ni ntolatannaw tun bë nögön fe. Kaari döw witiriw cira, ka mogo döw fana jogin.

Ne b'a nini Maliden bëe fe, an ka sabali nögön koro. Ji bë don ko la doonindoonin. An ka to ka dugawu ke Samataségew ye. An kan'u lagosi. Nafa t'o la. Ne ye min kolosi Samataségew la Kotonu, Benen jamana faaba la, o file :

Ntolatannaw y'u sekó ke. Ala de m'u gërejige sebaaya la. Benenkaw ka ntolatannaw fana ye Malidenw bonya. U ma son ka bo k'u to. O b'a jira k'u bë Malidenw fe.

Ala ka sabali di an ma, ka Mali taa ne. Ala ka samiyé diya.

Bakari Danbelé ka bo Sikaso Wayeréma 2 la

Kani Monjali 2010 mogo joginnen bëe furakéra

Mali ni Benen ye ntolatan laban min ke Kani Monjali 2010 hukumu kón Kotonu, Maliden minnu tun taara Samataségew senkoromadon, mogo mugan ni ko joginna olu la Benenkaw fe. Mali tun taara ni mogo kême ni ko ye Samataségew senkoromadonni kama.

Mogo joginnenw ka furakeli kunfolw kera Kotonu; u seginnen Bamako, Denmisénwanifarikoljenaje minisiriso y'a jo'n'uka furakelitoye. Furakeliw bannen, bëe taara i ka so.

Mali sennantolatan senkoromadonbaaw ka ton némogo y'a jira a ka tondénna, bëe k'a bolo da a dusu la, ka sabali, k'a to to ntolatan némogow bolo.

Maliden döw tun bora Nizeriya ka na Samataségew senkoromadon Kotonu. Tuma min na banabato bëe furakéra ka segin u ka so, denmisénw ani farikoljenaje minisiriso ye senkoromadonaw ka ton némogo bila ka taa a nedá Nizeriya Malidenw kan; n'a soro mogo ma jogin u la. Mali ni Benen ka ntolatan in geleyara ka se hake min ma, Samataségew senkoromadonbaa minnu bora Nizeriya ka na Kotonu, olu kosegin geleyara kosebë. U ye Mali darapo de dogo, ka Nizeriya darapo körta walasa, u de y'u kisi Benenkaw tooro ma. U tun ka ca ni mogo 100 ye.

Solomani Bobo Tunkara / Dokala Yusufu Jara